

ՄԱՂՔՓԱՑ ԻԱՆԵՍԱՆ ԹԱԳԱՎՈՐԻ ԱՐՇԱՎԱՆՔԸ  
ՀԱՅԱՍՏԱՆ

ՔԱԲԿԵՆ ՀԱՐՈՒԹՅՈՒՆՅԱՆ

Մծքնի 298 թ. քառասնամյա հաշտության պայմանագրով Մեծ Հայքի թագավորությունը երկարատև խաղաղ զարգացման հնարավորություն ստացավ: Հռոմեական կայսրության և Սասանյան Պարսկաստանի երկուստեք համաձայնությամբ հարգվում էին հռոմեական պաշտպանության և հովանավորության ներքո անցած Մեծ Հայքի սահմաններն ու տարածքային ամբողջականությունը: Հայկական գահին բարձրացած Տրդատ Գ Արշակունին ստիպված էր ավելի շատ հոգալ թագավորության հյուսիսային և հյուսիս-արևելյան սահմանների պաշտպանության մասին, որոնց անդորրը հաճախակի խախտում էին հյուսիսային կովկասյան լեռնականները: Քրիստոնեությունը պետական կրոն հռչակելուց հետո հայոց արքունիքը ավելի ու ավելի մեծ ուղղություն էր նվիրում հայոց արևելից կողմերին, նպատակ ունենալով կարճ ժամանակում ամրապնդել նոր կրոնի դիրքերը թագավորության հիշյալ ծայրամասերում: Արքունիքի նման վերաբերմունքը շատ բանով պայմանավորված էր Մեծ Հայքի հյուսիս-արևելյան կողմերի վերակացունների և գործակալների հաճախակի դիմումներով, որոնց մասին Մովսես Խորենացին գրում է. «...գործակալք կողմանցն արևելից հիւսիսոյ, վերակացուք հեռուոր քաղաքին, որ կոչի Փայտակարան՝ ասեն ցարքայ. «Եթէ կամիցիս ուղղութեամբ վարել կողմանցն այնոցիկ ըստ այսմ հաւատոյ՝ առաքեա նոցա եպիսկոպոսի զաւակէ սրբոյն Գրիգորի՝ զի յոյժ փափագելով խնդրեն. և զիտեմք հաւաստի, թէ ի հռչակեալ անուանէն Գրիգորի՝ ակնածեսցեն և ի նորին զաւակէ, առնել զամենայն ըստ հրամանի»<sup>1</sup>: Հայոց թագավորը իր գործակալների և վերակացունների հետ արևելք ուղարկեց Գրիգոր Լուսավորչի թոռանը՝ տասներհինգամյա եպիսկոպոս Գրիգորիսին և Սանատրուկ Արշակունուն<sup>2</sup>: Հայոց արքունիքը նրանց արևելք ուղարկելով որոշակի քաղաքական խնդիրներ էր նետապնդում: Պատանի Գրիգորիսը նշանակվում էր ոչ միայն հայոց հյուսիս-արևելյան կողմերի եպիսկոպոս, այլև ստանում էր «յաստիճան եպիսկոպոսութեան աշխարհին Վրաց և Աղուանից, այս ինքն սահմանացն Մազքթաց»<sup>3</sup>: Փափստոս Բուզանդը, անդրադառնալով Գրիգորիսի եղբրական մահվանը, նրան համարում է անգամ կաթողիկոս սկողմանցն Վրաց և Աղուանից»<sup>4</sup>: Սկզբնական շրջանում Գրիգորիս եպիսկոպոսը լայն բարոզական աշխատանք տարավ Մեծ Հայքի հյուսիս-արևելյան երկրամասերում մինչև Ատրը-

1 «Մովսեսի և որենացույ Պատմութիւն Հայոց», աշխատութեամբ Մ. Արեղեան և Ս. Յարութիւնեան, Տփղիս, 1913, էջ 259:

2 Նույն տեղում, էջ 259:

3 Փալատոսի Բուզանդացույ Պատմութիւն Հայոց», Վենետիկ, 1832, էջ 10:

4 Նույն տեղում, էջ 13:

պատականի սահմանները, ռշինեաց նորոգեաց զամենայն եկեղեցիս կողմանցն այնոցիկս<sup>5</sup>, իսկ այնուհետև իր գործունեությունը ծավալեց վրաց և աղվանից կողմերում, որոնք հիշյալ շրջանում և դրանից առաջ, որպես կանոն, գտնվում էին հայոց թագավորության ազդեցության ներքո: Հավանաբար, քրիստոնեությունը տարածելու միջոցով հայոց արքունիքը կամենում էր է՛լ ավելի ուժեղացնել իր ազդեցությունը հիշյալ երկրներում: Սկզբնական շրջանում Գրիգորիսը հասավ նշանակալից հաջողությունների նոր վարդապետության տարածման ասպարեզում, սակայն շատ շանցած նրա առաքելությունն ավարտվեց լիակատար ձախողմամբ, իսկ ինքն էլ, ինչպես կտեսնենք ստորև, սպանվեց մագքութների կողմից:

Սկզբնադրյուրները ոչինչ չեն ասում Սանատրուկի ինքնության մասին և լուկ շեշտում են նրա Արշակունի լինելը: Դժվար է, անշուշտ, պարզել, նա հայ Արշակունի էր, թե՞ պարթև: Սակայն աներկբայելի է, որ նա եղել է գործունյա և ունակ անձնավորություն, որին հայոց արքունիքը՝ հանձին Տրդատ Գ-ի, որոշակի քաղաքական առաջադրանքներով, որոնք պետք է զորավիգ լինեին Գրիգորիս եպիսկոպոսի հոգևոր գործունեությանը, ուղարկել էր Փայտակարան՝ որպես գործակալ: Դատելով Սանատրուկի հետագա քայլերից, նա հավակնություններ ուներ հայկական գահի նկատմամբ, որի ձեռքբերմանն էլ նվիրվեց նրա ողջ գործունեությունը Փայտակարանում:

Մինչ Գրիգորիս եպիսկոպոսը Կուրի ձախափնյակում եռանդուն տարածում էր քրիստոնեությունը, Սանատրուկը փոխանակ նպաստելու հայոց թագավորության ազդեցության ուժեղացմանը այդ երկրներում, դավաճանական կապերի մեջ էր մտնում մագքթաց արքունիքի և Սասանյան Պարսկաստանի հետ, թերևս զգուշացնում էր մագքութներին քրիստոնեության տարածման հետևանքով հնարավոր քաղաքական հետևանքներից և բացահայտորեն դավում Գրիգորիսին:

Դատելով Փավստոս Բուզանդի հաղորդած տեղեկությունից, մագքթաց Սանեսան թագավորը և զորականները, ոչ առանց Սանատրուկի օգնության, ինչպես կարելի է կուհնել պատմահոր վկայությունից<sup>6</sup>, հասկացել էին հայոց արքունիքի հետապնդած քաղաքական նպատակները. «Այլ, ասէին (մագքութները—Բ. Հ.), այս խորհուրդ շեյոց թագաւորին է. զսս յղել առ մեզ, զի այսու ուսմամբ խափանեսցէ զմեր արշաւանս ասոյատակութեան հինի յաշխարհէն իւրմէ»<sup>7</sup>: Սակայն քանի դեռ կենդանի էր Տրդատը, քաղաքական մթնոլորտը համեմատաբար հանգիստ էր, իսկ Սանատրուկն էլ վճռական քայլերի չէր դիմում: Դրությունն արմատապես փոխվեց Տրդատի մահից հետո: Նկարագրելով իրադարձությունների դարգացումը, Մովսես Խորենացին գրում է. «Իսկ ի հասանել համբաւոյ վախճանին Տրդատայ, ի դաւելոյ նորին Սանատրկոյ և այլոց ոմանց հանապազաւստ աւրսեց Աղուանից՝ սպանին զերանելին, ընթադրեալ ձիովք, բարբարոսքն ի Վատնեան դաշտին, միրձ ի Կասրիականն կոչեցեալ ծով: Զոր բարձեալ սարկաւազաց նորին, բերելով ի փոքր Սիւնիս, թաղեցին յիւմարաս աւանի, իսկ Սանատրկոյ թագ կապեալ ին-

5 Նույն տեղում:

6 Մովսես Խորենացի, էջ 259:

7 Փավստոս Բուզանդ, էջ 14 (այս և հետագա բնագրային ընդգծումները մերձ են—Բ. Հ.):

քեան՝ ունի գրադարն Փայտակարան. զորութեամբ օտար ազգաց խորհէր տիրել բոլորումս Հայոցս՝:

Պատմահոր այս արժեքավոր տեղեկությունն ամենայն որոշակիութամբ ցույց է տալիս, որ Գրիգորիսի սպանությունը մեծապես սլայմանավորված էր Սանատրուկի և մազրթաց թագավորության մի խումբ ազվանից իշխանների դավերով և որ այն կատարվել էր Տրդատ թագավորի մահից հետո: Օգտագործելով ստեղծված նպաստավոր վիճակը, Սանատրուկը իրեն թագավոր էր հռչակել իր կառավարմանը հանձնված Փայտակարան քաղաքում և նրա շրջակա գավառներում՝ նպատակ ունենալով օտար ուժերի օգնությամբ տիրանալու Մեծ Հայքի թագավորությանը: Այլ խոսքով՝ Սանատրուկի ելույթը սովորական պատակտիչ գործողություն էր կենտրոնական իշխանության դեմ, որոնցով այնքան հարուստ է բոլոր ավատատիրական երկրների պատմությունը:

Ծթն հավատ րնծայնք Փավստոս Բուզանդին, ապա մազրթաց Սաննան թագավորը Գրիգորիսի սպանությունից հետո սաստիկ թշնամացավ հայոց խոսրով թագավորին, մեծ բանակով արշավեց Հայաստան և սկսեց այն ասպատակել, աճերել ու կողոպտել: Սակայն, մեր կարծիքով, ղեպքերի իրական հաջորդականությունը պահպանվել է Մովսես Խորենացու մոտ, առավել ևս, որ Փավստոս Բուզանդը այդպես էլ չի բացատրում խոսրովի հետ Սաննանի թշնամանալու պատճառները, որոնք, անշուշտ, որոշակի գործողությունների արդյունք պետք է լինեին:

Տրդատի մահից շատ շանցած Հոռմի օգնությամբ զահ բարձրացավ խոսրով Կողակը, որի առաջին քայլերից մեկը, անշուշտ, պետք է լիներ Սանատրուկի պատժումը: Խոսրովի թագադրությունից հետո օգնության եկած հռոմեական զորամասերը և հայկական հյուսիսային ու արևմտյան զորաբանակները Անտիոքոս զորավարի գլխավորությամբ արշավեցին Փայտակարան՝ պատժելու Սանատրուկ «թագավորին»: Այդ զեպքերի մասին պատմահայրը գրում է. «(Անտիոքոս զորավարը)... առեալ ընդ իւր զՄիհրան և զԲագարատ զօրօք իւրեանց, և միահամուռ ամենայն յունականօքն խաղայ ի վերայ Սանատրուկոյ: Իսկ նորա պարսկական զօրօք լցեալ զքաղաքն Փայտակարան՝ ինքն առ արքայն Շապուհ փութացեալ անկանի, հանդերձ Աղուանից նախարարօք: Զոր տեսեալ Անտիոքայ, եթէ ոչ ի հնազանդութիւն խաղաղութեան նուաճեցան հրաման տայ առիւ զիշխանութիւն պատակտելոցն

8 Մովսես Խորենացի. էջ 259—260: Այս իրադարձությունների մասին Փավստոս Բուզանդը գրում է. «Ապա շրջեացա թագաւորն, և լուս: բանից զօրացն իւրոց. և կայան ձի մի ամենի, կապեցին կախեցին զմանուկն Գրիգորիս զագոյ ձիոյն, և արձակեցին ընդ ծովեզեր դաշտին հիւսիսական ծովուն մեծի, արտաքոյ իւրեանց բանակին ի դաշտին վաանեայ: Ըս այսպէս սպանին զառաքինի քարոզն Քրիստոսի զմանուկն Գրիգորիս: Ըս ապա բարձին զնա որք ընդ նմա ւրթեալ լին ի գաւառն Հարանդայ, և քերին ի գաւառն իւրեանց ի կողմանս Աղուանից ի սահմանս Հայոց ի Հարանդ. ի զեղն՝ քր անուանեալ կոչի Ամարազ: Ըս եղին զնա առ եկեղեցեան. զոր շինեալ էր առաջնոյն մեծին Գրիգորի, հաւուն Գրիգորիսի՝ քահանայապետին մեծի աշխարհին Հայաստան երկրին» (էջ 14—15): Փավստոս Բուզանդի այս հատվածում չի կողմանս Աղուանիցս արտահայտությունը պետք է սրբագրել չի կողմանց Աղուանիցս (Բ. Հարությունյան, Մեծ Հայքի թագավորության հյուսիս-արևելյան մարզերի վարչաքաղաքական կազմությունը 387—451 թվականներին (սեփաներ Երեսնի համալսարանի, 1976, № 2, էջ 78—79):

նուազեցուցանել. և իր ժողովնալ զհարկն՝ առ կայսր զնայ»<sup>9</sup>: Առաջին հայացքից Մովսես խորենացու տեղեկությունները հստակ են. Սանատրուկը, հոռմեական զորամասերի և հայկական զորաբանակների միացյալ արշավանքից սարսափահար, դիմում է պարսից Շապուհ Բ ծրկարակյաց արքայի օգնությունը, նրանից ստացած պարսից զորամասերով ամրացնում է Փայտակարանը և մի խումբ աղվանից իշխանների հետ փախչում պարսից թագավորի մոտ: Սակայն նման եղրակացությունը պարունակում է մի քանի հակասություններ: Նախ՝ պարսից զորքերով Փայտակարանն ամրացնելուց հետո Սանատրուկը հաղիվ թե փախչի Պարսկաստան, այլ կկազմակերպեր իր «մայրաքաղաքին» պաշտպանությունը, շատ լավ հասկանալով, որ իր փախուստը կարող է կազմալուծել Փայտակարանի դիմադրության զործը: Մյուս կողմից, ոչ պակաս տարօրինակ է պարսից զորքերի մասնակցությունը Փայտակարանի պաշտպանությանը: Կնքելով 298 թ. Մծրնի 40-ամյա հաշտությունը, Պարսկաստանը երկար ժամանակ ստիպված եղավ ձեռնպահ մնալ Հռոմի և Հայաստանի դեմ սկստիվ գործողություններից: Չորք ուղարկելով Փայտակարան, Շապուհ Բ-ն պետք է խախտեր Մծրնի հաշտությունը, որը թիչ հավանական էր IV դ. 30-ական թվականներին: Ավելի շուտ կարելի է ենթադրել, որ նրա միջամտությունը կրում էր դիվանագիտական բնույթ, քանի որ պատմահոր ասելով, մինչև Փայտակարանի արշավանքը ձեռնարկելը Աստիոքոս զորավարը հայոց հարավային զորաբանակը և կիլիկյան զորամասերը Մանաճիհի զիխավորությամբ ուղարկել էր Ասորեստանի և Միջագետքի, իսկ արևելյան զորաբանակը և գաղատացի զորամասերը Վահան Ամատունու զիխավորությամբ՝ Ատրպատականի կողմերը՝ թայլ շտալու համար պարսից թագավորի ռազմական միջամտությունը. «Եւ առաքեաց (Աստիոքոսը— Հ. Բ.) զՄանաճիհի հարաւային զօրօք և զԿիլիկեցի զօրս ընդ նմա զկողմամբը Ասորեստանի և Միջագետաց. և զՎահան նահապետ Ամատունեաց արևելեան զնդաւն և զԳաղատացի զօրս ընդ նմա առաքեաց զկողմամբը Ատրպատականի, ունել պահ յարքայէն Պարսից»<sup>10</sup>: Ստեղծված պայմաններում Փայտակարանի զործերին Շապուհ Բ-ի ամեն մի միջամտություն ոչ միայն Մծրնի հաշտության պայմանների խախտում էր, այլև կարող էր առիթ դառնալ մեծ պատերազմի: Իրադարձությունների ընթացքը, զոնն մինչև Սանեսանի արշավանքը, շհանգեցրեց պարսկա-հոռմեական պատերազմի, ուստի մնում է ենթադրել, որ պարսիկները Սանատրուկին ուղղակի օգնություն ցույց չէին տվել և այդ պատճառով էլ վերջինս փախել էր՝ Շապուհ Բ-ի օգնությանն ապավինելու: Այդ դեպքում ինչպես հասկանալ պատմահոր «Իսկ նորա (Սանատրուկի— Բ. Հ.) պարսկական զօրօք լցեալ զքաղաքն Փայտակարան» արտահայտությունը: Կարծում ենք, որ այդ հարցի լուծումը գտնվում է Փավստոս Բուզանդի երկում: Պատմելով Արշակ Բ թագավորի դեմ ապստամբած Կասպից երկրի՝ հայոց թագավորությանը միացնելու մասին, նա գրում է. «Յաղագս Կասպից: Ապա խնդրէր զվրէժն մեծապէս սպարապետն Մուշեղ յերկրէն Պարսից և ի Փայտակարան քաղաքէ. փոխանակ զի և նոքա նշկահեցին ստեցին արքային Հայոց»<sup>11</sup>: Հ. Հյուրճմանը, անդրադառնալով վերնադրի

<sup>9</sup> Մովսես Խորենացի, էջ 262—263.

<sup>10</sup> Մովսես Խորենացի, էջ 262.

<sup>11</sup> Փավստոս Բուզանդ, էջ 210.

Կասպից և տերստի Պարսից աշխարհ անվանումներին, գտնում է, որ այսինչ նայն ղևպս հոս պարսիկները շեն կրնար հասկցուած ըլլալ»<sup>12</sup>, Գերմանացի հայագետը, գտնելով խիստ սրամիտ Ք. Նոյմանի կողմից Փավստոսի Պարսքը Ստրաբոնի «Աշխարհագրութեան» մեջ հանդիպող Ստրաբոն ցեղի<sup>13</sup> հետ նույնացվելը, այնուամենայնիվ, գալիս է այն եզրակացութեան, որ Պարսքը վրիպակ է, որը պետք է Կասպք սրբադրել<sup>14</sup>, Կարծում ենք, որ Փավստոս Բուղանդի հիշատակած Պարսից աշխարհը ոչ մի կայ շունի Պարսկաստանի հետ և ամենասերտ աղերս ունի Մովսես Խորենացու «Պարսկական զօրօք ցնեալ զբաղաբն Փայտակարան» արտահայտութեան հետ: Ոչ թե պարսկական ղոյրքեր էին եկել Փայտակարան, այլ տեղական պարս ցեղի զինվորներով էր ամրացրել Սանատրուկը իր կենտրոնը և շփտահելով այդ ուժին՝ փախել էր Շապուհ Բ-ի մոտ: Չի բացառվում, որ պատմահոր մոտ սկզբնապես եղել է ոչ թե «պարսկական զօրօք», այլ «պարսկան զօրօք», որը հետագայում սխալ մեկնաբանվելու հետևանքով սրբադրվել է գրիչների կողմից:

Ուսումնասիրողներին շփոթութեան մեջ է գցել նաև այն հանգամանքը, որ Սանատրուկը Պարսկաստան էր փախել աղվանից նախարարների հետ, ուստի և նրան հոչակում են ոչ ավել ոչ պակաս աղվանից թագավոր: Ըստ մեզ, այդ խնդիրը ունի հետևյալ բացատրութիւնը: Անտրամարանական շէկարծել, որ Փայտակարան բաղաբի դեմ ձեռնարկած արշավանքի ժամանակ հայ-հռոմեական զորքերը որպես վրեժ Գրիգորիսի սպանութեան և Սանատրուկին օժանդակութիւն ցույց տալու համար, ասպատակեցին Կուրի ձախսականները, ավերեցին մագթաթ կամ աղվանից թագավորութեան հարավային շրջանները, որը և թերևս պատճառ դարձավ մագթաթ Սաննան և հայոց խոսրով թագավորների թշնամութեան: Ենթադրել, թե այդպիսի պատժիչ զործողութիւններ մագթաթ թագավորութեան նկատմամբ շեն ձեռնարկվել, անիմաստ է, որովհետև Սանատրուկին հաղթելու համար առաջին հերթին հարկ էր նրան գրկել Սաննանի և Շապուհ Բ-ի օգնութիւնից: Պատմահոր մոտ հենց հիշվում են Կուրի ձախսականի աղվանից իշխանները, որոնք հայ-հռոմեական զորքերի արշավանքից սարսափած՝ Սանատրուկի հետ փախել էին Պարսկաստան:

Հայ-հռոմեական զորքերն ասպատակեցին և ավերեցին Փայտակարանն ու նրա շրջակայքը, սակայն Մովսես Խորենացու տեղեկութիւնից պարզ չէ, թե այդ ժամանակ Փայտակարանը միացվեց կրկին հայոց թագավորութեանը, թե՛ ոչ: Այդ հարցին հստակ պատասխան չի տալիս նաև մագթութեան արշավանքի մասին Մովսես Խորենացու տված նկարագրութիւնը. «Յաւուրս սորա (խոսրով Կողակ թագավորի— Ք. Հ.) միաբանեալ բնակիչք հիւսիսոյ Կաւկասու, գիտացեալ զթուլասրտութիւն նորա և զուղութիւն, և առաւել ի հրապուրելոյ մաղթանաց Սանատրուկոյ՝ ի գաղտնի հրամանէ Շապուհ Պարսից արբայի, արշաւեալ ի միջոց աշխարհիս մերոյ հասանէին մեծաւ ամրոխիւ, որպէս թէ կրկու բիրովք»<sup>15</sup>: Հնարավոր է, որ հայ-հռոմեական զոր-

12 Հ. Հոյսրջման, Հին Հայոց տեղոյ անունները, Վիեննա, 1907, էջ 103:

13 Strabo, XI, 7, 1.

14 Հ. Հոյսրջման, նշվ. աշխ., էջ 103—104:

15 Մովսես Խորենացի, էջ 266:

բերը, այնուամենայնիվ, ազատագրեցին Փայտակարանը և այն միացրին Մեծ Հայքին, սակայն չի բացառվում, որ ընդդիմադիր ուժերը քաղաքն իրենց ձեռքում պահեցին մինչև Սանեասանի ձեռնարկած արշավանքը: Սակայն Մովսես Խորենացու այս տեղեկությունը արժեքավոր է մեկ այլ տեսանկյունից: Շապուհ Բ-ն այս անգամ էլ չհանդգնեց դիմելու ռազմական միջամտության, այլ զաղտնի հրահանգ տվեց Սանատրուկին՝ Մեծ Հայքի թագավորության դեմ դուրս բերելու հյուսիսականներին, տվյալ դեպքում մազրութներին և նրանց դաշնակիցներին, որոնց անունները պահպանել է Փավստոս Բուզանդի Պատմությունը: Եվ իրոք, Սանատրուկին հաջողվում է իր վաղեմի դաշնակցին՝ մազքթաց Սանեասան թագավորին, որը, ինչպես վերև ասվեց, խիստ թշնամացած էր հոսրով Կողակին թերևս հայ-հռոմեական պատժիչ զորժողությունների պատճառով, 20000-անոց բանակով դուրս բերել Հայաստանի դեմ: Արշավանքի մանրամասն նկարագրությունը պահպանվել է Փավստոս Բուզանդի երկում. «Յայնմ ժամանակի թագաւորն Մազքթաց Սանէսան անհնարին Կիւթեաց զսրամտութիւն ռուսեթեան ընդ իւրում ազգակցին հոսրովու արքային Հայոց, և զումարեաց ժողովեաց զամենայն զօրս Հոնաց և Փոխաց, Թաւասպարաց, Հեմատակաց, Իծմախաց, Գաթաց, և Գողուրաց, Գուգարաց, Շչրաց և Զղբաց և Բաղասճաց և Եզերսուանացն, և այլոց խառնազանճ բազմութեամբ անթիւ անրնակն վաչկատուն զօրութեանց, որում միանգամ ինքն իշխել զօրացն բազմաց: Եկն անց ըստ իւր սանմանն ընդ գետն մեծ ընդ Կուր, և եկն տարածեցաւ ելից զերկիրն Հայոց աշխարհին... Եւ ելին լցին ծածկեցին զամենայն երկիրն Հայոց, քանդեցին, գերեցին, առ հասարակ աւերեցին. սփռեցան տարածեցան զսահմանօքն, լի և լի ծաւալեցան մինչև ի փոքր քաղաքիկն Սատաղու, և մինչև ի Գանձակ սահմանս Ատրպատական. խաղաղուցին ի մի վայր ժողովեցին. ի ժամադիր կողմանս յԱյրարատեան գաւառին բանակ մեծ լինէր:

Եւ խոյս ետ թագաւորն Հայոց հոսրով յիւրմէ եղբարցն, նոյն ի Սանէսանայ յարքայէն Մազքթաց. և անկան յամուր բերդն Գարեւնից յերկիրն Կովգայ, և ընդ նմա ծերունին Վրթանէս եպիսկոպոսապետն Հայոց: Ապա առնուին պահս պահել, և խնդրել յաստուծոյ՝ զի փրկեցէ՞ զնոսա յայնմ ի դառն դահճէն, և սկսան խնդրել ի տեառնէ աստուծոյ: Եւ նա ծածկեալ բռնացեալ ունէր զերկիրն առ հասարակ իբրև տարի մի: Ապա եկն Եհաս Վաչէ որդի Արտավազդայ ի Մամիկոնէն տոհմէն, զօրաւար ամենայն Հայոց մեծաց: Զի երթեալ էր նա ի ժամանակին յայնմիկ զերկայն ճանապարհս ի կողմանս Յունաց: Ապա ժողովեաց նա զամենայն քաջ քաջս նախարարացն, և զունդ կազմէր բազում յոյժ. և հասանէր անկանէր ի վերայ բանակին, յառաւօտուն ժամուն այգեհալոյն պաշտամանն. զի բանակեալ էին նոքա ի լերինն՝ որ կոչի Յլու զլուխ. և առ հասարակ ընդ սուր հանին զամենեանն, և ոչ մի ոչ ապրեցուցանէր, և դարձուցանէր զբազմութիւն գերեացն: Եւ յետ այսորիկ առնույր դաւարսն, խաղայր գնայր երթայր իջանէր ի դաշտն Այրարատեան գաւառին. երթայր գտանէր զՍանէսան թագաւորն Մազքթաց բուն գնդաւն, անթիւ անհամար զօրօքն հանդերձ ի Վաղարշապատ քաղաքի, Առեալ զզունդն Վաչէ, և յանկարծակի յարձակեցաւ ի վերայ քաղաքին և մատնեաց զնոսա տէր ի ձեռս նորա:

Եւ իբրև տեսին զնա յարձակեալ ի վերայ իւրեանց, փախեան ելին ի քաղաքի անտի յառապարն ի կողմն յՕշական բերդին. և զանապատն, և զքա-



րուտ տեղիսն ապաւն իւրեանց համարեցան. և լինէր սաստիկ պատերազմ յոյժ յոյժ: Եւ նիզակակիցք զօրավարին Հայոց, որ էին Բագրատ Բագրատունի, Սենտունդակ և Գարեգին Ըորշտունիք, և Վահան նահապետն Ամատունեաց տոհմին, և Վարազ Կամինական, հասանէին հարկանէին սատակէին զօրսն Ալանացն, և Մազքթացն, և Հոնացն և դայլոց ազգացն, և լնուին զդաշտն առապարացն առ հասարակ դիակամք մեռելոց. մինչ զի իբրև զգետ յարուցեալ երթալ արիւնն անհնարին, և ոչ լինէր թիւ զօրացն մեռելոց: Եւ զմնացեալսն սակաւս առաջի իւրեանց հալածականս տանէին մինչև յաշխարհն Բաղասնաց և զպուխն Սանէսանայ մեծի թագաւորին եկին բերին առաջի արքային Հայոց: Սակայն իբրև ետես, լալ սկսաւ. ասէ, Եղբայր իմ էր ազգաւ Արշակունի: Ապա եկեալ էր արքային ի տեղի ճակատուն, և ընդ նմա մեծ եպիսկոպոսապետն Հայոց. և տեսին դիտորածն զօրացն հարեւոց, զի նեխէր երկիրն ի հոտոյ մեռելոցն: Ապա ետուն հրաման՝ զուգալ հանել յաշխարհէ, և անդէն ծածկել քարակարկառ վիժօք, զի մի ի շարաւոյ հոտոյն մեռելոտի ոսկեբացն երկիրն պղծեցի: Եւ զաղարեաց երկիրն ի խաղաղութեան ամս հարուստ մի. և այսպէս վրէժ սրբոյն Գրիգորի խնդրեցաւ ի թագաւորէն Սանէսանայ և ի բանակէ նորա. զի ոչ մնաց ի նոցանէ և ոչ մի»:

Մազքութների արշավանքի համակողմանի բնութիւյսն անդրադառնալու համար, ավելորդ շնք համարում մեղքերել նաև պատմահոր նկարագրութիւնը. «Յաւուրս սորա միարանեալ բնակիչք հիսիսոյ Կաւկասու, գիտացեալ զթուլասրտութիւն նորա և զչոլութիւն, և առաւել ի հրապուրելոյ մաղթանաց Սանատրկոյ՝ ի գաղտնի հրամանէ Շապհոյ Պարսից արքայի, արշաւել ի միջոց աշխարհիս մերոյ հասանէին մեծաւ ամթոխի, որպէս թէ Երկու բիրտվք: Որոց պատահեալ պատերազմաւ արևելեայ և արևմտեայ զօրուն Հայոց հանդերձ զօրապետօքն Բագարատաւ ասպետի և Վահանաւ նահապետի Ամատունեաց. քանզի հարաւային մեր գունդք առ արքային խորովայն էին յաշխարհին Սոփաց, և զՄիհրան սպանեալ, և զհիսիսային մեր գունդն հարեալ, ի թիկունս ընկեցեալ թշնամեացն, և հասեալ ի դրունս Վաղարշ շապատու պաշարէին: Որոց յանկարծակի ի վերայ անկեալ արևելեայ և արևմտեայ մեր զօրուն, և անտի մերժեալ զՕշական առապարան, ոչ ետուն ժամանել ճապարհել ի նետաձգութիւն ըստ օրինի իւրեանց սովորութեանն, երագեալ սաստկապէս զհետ ունելով քաջածիրոցն ի դժուարս քարանց և ի վիճուտ տեղիս:

Մինչև յոչ կամաց զուժարեալ թշնամեացն ի ճակատ, և զօրագլուխ նիզակաւորացն լեալ անարի ոմն սկայ վառեալ, և թաղեալ կաճեայ բոլորով ամենեւիմբ պարածածկեցեալ, շահատակէր ի մէջ զօրացն: Յոր կանակաւորոց լեալ քաջացն Հայոց և յարձակեալ ոչ ինչ կարէին վնասել. քանզի հարեալ նիզակաւ՝ ճախր առնոյր կաճեայն: Յայնժամ քաջին Վահանայ Ամատունոյ հայեցեալ յեկեղեցին կաթողիկէ, ասէ. «Օգնեա՛ ինձ, Աստուած, որ զԴաւթեան պարսաբարն դիպեցուցէր ճակատու խրոխտացելոյն Գողթաթու. ուզդ՛ա և զնիզակս իմ ական հզօրիս այսորիկս: Եւ ոչ վրիպեցաւ ի խնդրոյն. ընդ գաւակ ձիոյն հարեալ՝ յերկիր կործանեաց զահագին զվիրազն: Այսպիսի դիպուած ի փախուստ յորդորեաց զթշնամիսն, և ի յաղթութիւն զՀայոց գունդն զօրացոյց: Եւ աստի դարձեալ յաշխարհն Սոփաց Բագարատ վկայ հաստատուն առանց նախանձու լինի առ արքայի վասն Վահանայ քաջութեանցն և

առաքինի դիպուածոյն: Վասն որոյ պարզէն նմա արքայ զտեղի ճակատուն զՈղական, ուր ինքնակամ դիմագրաւ նահատակն եղև: Ըստ փոխանակ Միհրանայ կարգէ զԳարշոյլ Մաղխազ նահապետ հոռոխոունեաց ի վերայ զօրունս<sup>17</sup>:

Իժժար չէ համոզվել, որ ընայած որոշ տարբերութիւններին, Փալատոս Բուզանդի և պատմահոր նկարագրութիւններն իրար լրացնում են և հնարավորութիւն են տալիս առավել ամբողջական վերարտադրելու արշավանքի պատմութիւնը: Համաձայն Փալատոսի հաղորդման, մազքութիւնների հրոսակները, որոնց մեջ մեծ թիվ էին կազմում հոները, աղվանից ցեղերի և կովկասյան լեռնականների ուժերը, հանձին փոխերի, թավասպարների, հեծմատակների, իժմախների, գաթերի, գղուարների, գուգարների (գարգառների), շիւբերի, ճիղբերի, բաղասիճների, եգիպտականների և այլևայլ վաչկատունների, անցնում են Կուրը և ասպատակում Մեծ Հայքի թագավորութեան հյուսիսային, կենտրոնական ու արևելյան շրջանները: Ինչպես վկայում է պատմահայրը, հայկական հյուսիսային զորաբանակը Միհրան Բեղշիսի գլխավորութեամբ փորձում է կասեցնել մազքութիւններին, սակայն ուժերի անհավասարութեան պատճառով պարտութիւն է կրում, իսկ Միհրան Բեղշիսն էլ սպանվում է: Հյուսիսային զորաբանակի պարտութիւնից հետո թշնամու ասպատակները արևմուտքում հասնում են մինչև Սատաղ փոքր քաղաքը, իսկ Մեծ Հայքի հարավ-արևելյան սահմանագլխին՝ Գանձակ Շահաստունի շրջակայքը: Շուրջ մեկ տարի թշնամին զբաղված էր խժողովութիւններով, զանգվածաբար կողոպտում և գերեզմարում էր բնակչութեանը, երկիրը ասպատակում էր ու ավերում: Այնուհետև թշնամու ջոկատները ձեռք բերած ավարով ու գերիների բազմութեամբ հավաքվեցին Այրարատյան գավառում:

Պատերազմի սկզբում հոսարով Կողակ թագավորը, շարողանալով կազմակերպել մազքութիւններին ջախջախելու գործը, Վրթանես քահանայապետի հետ ամրացավ Գարեվանից բերդում, որը գտնվում էր Կողովիտ գավառում: Սակայն դատելով Մովսես հորենացու տեղեկութիւններից, նա որոշ ժամանակ անց ստիպված էր եղել հեռանալու թագավորութեան հարավ-արևմտյան շրջանները, դեպի Մոփաց աշխարհ, որը ամենայն հավանականութեամբ զերծ էր մնացել թշնամու հարձակումներից: Չնայած մազքութիւնների սկզբնական հաջողութիւններին, նրանց վիճակը հուսալի չէր: Նրանց համար, ինչպես կարելի է եզրակացնել արշավանքի փալատոսյան և պատմահոր նկարագրութիւններից, այդպես էլ անխոցելի մնացին Մեծ Հայքի քաղաքներն ու ամրոցները, որոնք գրավելու համար մազքութիւնները անհրաժեշտ փորձ և պաշարողական մեքենաներ չունեին:

Արշավանքի սկզբում հայոց սպարապետը՝ Վաչե Մամիկոնյանը (Արտավազդ Մամիկոնյանի որդին), ըստ երևույթին պետական ինչ-որ հանձնարարութեամբ գտնվում էր Հռոմեական կայսրութիւնում: Լուր առնելով հյուսիսականների արշավանքի մասին, նա վերադարձավ և կազմակերպեց հայկական ուժերը, որոնք, հանձին արևելյան և արևմտյան զորաբանակների, շարժվեցին դեպի Այրարատ: Մովսես հորենացին, որն ամենայն բարեխղճութեամբ տալիս է հիշյալ զորաբանակների հրամանատարներին՝ Բագարատ Բագրատունու և Վահան Ամատունու անունները, մոռացութեան է տալիս Վաչե Մամիկոնյանի անունը, որը, մեր կարծիքով, բացատրվում է Մամիկոնյան-

<sup>17</sup> Մովսէս հորենացի, էջ 266-267:



ների նկատմամբ նրա ունեցած վերաբերմունքով: Կարծես թե պատմահայրը փորձում է այնպես անել, որ Բագարատ Բագրատունու անունը շմթագնվի մամեսանյան հայոց հրամանատարի՝ Վաչե Մամիկոնյանի, հիշատակութամբ:

Հայոց արևելյան և արևմտյան զորաբանակները (հարավայինը հոսսրով Կողակի հետ գտնվում էր Մոսիաց աշխարհում) առաջին հաջող ճակատամարտը տվեցին Ցլու գլուխ կուլվող լեռան մոտ: Մազթթաց զորաբանակը ջախջախվեց, գերիններն ազատվեցին, իսկ ավարն ու կողոպուտը ետ խլվեց: Շուտով հայկական բանակը մոտեցավ Վաղարշապատին, որը պաշարել էին Սանեսան թագավորի հիմնական ուժերը: Վաղարշապատի ճակատամարտում Սանեսանի բանակը պարտվեց և ստիպված եղավ նահանջելու Օշականի առապար վայրերը՝ քարուտ և դժվարանցելի: Վաչե Մամիկոնյանը, հմտորեն վարելով ճակատամարտը, հայկական այրուձիի բուռն զորհներով թույլ շտվեց, որ մազթութները, իրենց սովորության համաձայն, ցրիվ գալով բուռն նետածողություն ձեռնարկեն, զրկեց նրանց ռազմական ծավալման հնարավորությունից և ստիպեց թշնամուս ակամա ընդունել ճակատամարտը: Ծակատամարտի ժամանակ փայլեցին հայոց բանակի զորավարներ Բագրատ կամ Բագարատ Բագրատունին, Մեհենդակ (Փավստոս Բուզանդի մոտ՝ Մեհենդակ) և Գարեգին Ռշտունիները, Վահան Ամատունին և Վարազ Կամիսակաճը: որը, ինչպես պարզ երևում է Փավստոս Բուզանդի այլ տեղեկություններից, Հաշտյանքի իշխանն էր: Օշականի ճակատամարտն ավարտվեց հայոց բանակի փայլուն հաղթանակով: Ծակատամարտի ժամանակ մազթթաց նիզակավորների գլուխ անցած հրամանատարը, որի ինքնության մասին կիսովի ստորև, սպանվեց Վահան Ամատունու կողմից, որից հետո թշնամու զորքերը խուճապի մատնվեցին և դիմեցին փախուստի: Օշականի առապարը ծածկվեց մազթթաց բանակի սպանված զինվորների դիակներով: Խիստ քչերին հաջողվեց փրկվել հայ մարտիկների արդար վրեժխնդրությունից և հայոց բանակի հարվածների ներքո փախել բաղասիճների աշխարհը:

Փավստոս Բուզանդի հաղորդման համաձայն, ճակատամարտում սպանվեց Սանեսան թագավորը, որի գլուխը բերեցին հայոց թագավորին: Վերջինս, որքան էլ տարօրինակ է, ողբաց նրա մահը որպես Արշակունյաց տոհմի ներկայացուցչի: Ծակատամարտից հետո Օշականի առապար ժամանեցին հոսսրով Կողակը և Վրթանես քահանայապետը, որոնց հրամանով գոզազ հանվեց և հակառակորդի զինվորների դիակները թաղվեցին: Համաձայն պատմահոր հաղորդման, ճակատամարտի ժամանակ հոսսրով Կողակը դեռևս գտնվում էր Մոսիքում, ուր և ուղղվեց Բագարատ Բագրատունին՝ հաղորդելու հաղթանակի լուրը: Ի պատիվ Վահան Ամատունու սխրագործության, թագավորը նրան նվիրեց Օշականն իր շրջակայքով:

Հայկական բանակը Օշականի ճակատամարտում այնպիսի հարված տեսցրեց մազթթաց բանակին, որ մազթութները և նրանց դաշնակից կովկասյան լեռնականները երկար ժամանակ մոռացան Հայաստանի ճանապարհը:

Մազթթութների արշավանքի, նրանց ավերածությունների ու հայոց զորքից դիտովին ջախջախվելու փավստոսյան նկարագրությունը հնարավորություն է տալիս կատարելու մի շարք էական եզրակացություններ: Ամենից առաջ պարզվում է, որ Կուր գետը պետական սահման էր Մեծ Հայքի թագավորության և մազթութների պետության միջև: Նման հարցադրման դեպքում

Աղվանքը ներառվում է Մազրթաց Թագավորության կազմի մեջ<sup>18</sup>, հետևաբար աղվանները ևս պետք է մասնակցեին արշավանքին: Ելնելով նման հայեցակետից, հիշյալ հատվածում հանդիպող «...հասանէին, հարկանէին զօրսն Ալանացն, Մազրթացն, և Հոնացն...» արտահայտությունը պետք է ընկալել «...հասանէին, հարկանէին զօրսն Աղուանիցի, և Մազրթացն, և Հոնացն...»: Մյուս եզրակացությունն այն է, որ բացառվում է Սանեսանին Սանատրուկի հետ նույնացնելը, ինչպես ժամանակին սխալմամբ կատարել է Մովսես Կաղանկատվացին և ինչպես ներկայումս կատարում են մի շարք ուսումնասիրողներ: Մովսես Կաղանկատվացին, որ հայոց արևելից կողմանց պատմությունն էր գրում տեղի իշխանական ընտանիքների որոշակի գաղափարախոսությամբ, իրեն հարկավոր ձևով վիրահատել է Մովսես Խորենացու հաղորդած տեղեկությունները: Ըստ որում, այդ կատարվել է ոչ թե նրան հայտնի նոր նյութերի հիման վրա, այլ պատմահոր վկայությունները աղավաղելու միջոցով: Ավելորդ շեքը համարում ամբողջությամբ մեջբերել Մովսես Կաղանկատվացու երկի համապատասխան հատվածը. «Իսկ ի վախճանին Տրդատայ՝ Սանատրուկ ոմն Թագաւորեաց Աղուանից ի Փայտակարան քաղաքի և եկաց դիմակաց Հայոց: Եւ խոսրովայ որդւոյ Տրդատայ ածեալ զԱնտիոքոսյունական զօրօրն և զԲագարատ արևմտեայ զնդին, և զՄիհրան Վրաց բղնաշխ, այսորիւք ամեններումբ միաբանեալ խաղայ ի վերայ Աղուանից: Լեճապարէ Սանատրուկ զօրօքն Աղուանից և զնայ առ Շապուհ արքայ Պարսից՝ թողով զօր բազում ի քաղաքին Փայտակարան: Եւ Անտիոքոս առեալ աւար բազում և զհարկն արքունի՝ դառնայ առ կայսրն: Եւ գտեալ ժամ պարապ Սանատրկայ՝ հրամանաւ Շապուհ ժողովէ զզօրս Աղուանից քնով իրրև երեսուն հազարն և արշաւէ ի միջոցս Հայոց: Եւ զօրագրուի ոմն Բնորի հսկայ ի տիգաւորացն վառեալ Բաղիւ կանճայ՝ շահատակէր ի մէջ պատերազմին առ Օշական առապարաւ. եթէ զինուք հարկանէին՝ ոչ գործէր, այլ ճախր առնոյր: Յայնժամ քաջն Վահան Լիմատունի՝ նայեցեալ ի կաթուղիկէն, ասաց՝ օքնեա ինձ, և ուղղեալ զնիզակն՝ ընդ գաւակ ձիոյն յերկիր կործանէր զահագին վիրահն»<sup>19</sup>: Դժվար չէ համոզվել, որ Մովսես Կաղանկատվացին, գրելով «Սանատրուկ ոմն Թագաւորեաց Աղուանից ի Փայտակարան քաղաքի», ձգտել է իմաստավորել պատմահոր թիկ Սանատրուկի քաղ կապեալ ինքեան՝ ունի զվազաճն Փայտակարան» և «Իսկ նորա պարսկական զօրօք լցեալ զվազաճն Փայտակարան՝ ինքն առ աւրայն Շապուհ փութացեալ անկանի. հանդերձ Աղուանից ևախաբարօք» տեղեկությունները: Ենթադրելով, որ Սանատրուկը աղվանից նախարարների հետ Շապուհին ապավինել կարող էր, եթե նրանց Թագավորը լիներ, Մովսես Կաղանկատվացին նրան «հռչակում է» Աղվանքի Թագավոր և ի վերջո նրան էլ վերագրում Սանեսանի արշավանքը՝ որպես 30000-անոց աղվանից զորքերի արշավանք ղեկի Հայաստան<sup>20</sup>: Չի բացառ-

18 Այդ իրողությունը որոշակիորեն երևում է Փավստոս Բուզանդի մեկ այլ տեղեկությունից. «Դրիգորիսը» ի հեղեմասանամենից եհաս աստիճան եպիսկոպոսութեան աշխարհին Վրաց և Աղուանից, այս ինքն օսանմանացն Մազրթաց» (Լջ 10),

19 «Մովսեսի Կաղանկատվացու Պատմութիւն Աղուանից աշխարհի» Թիֆլիս, 1912, էջ 37-38.

20 Պատմահոր տեղեկության համաձայն մազրթաց բանակը բաղկացած էր 2 բյուրից, իսկ Մովսես Կաղանկատվացին այն հասցնում է 30000-ի.

վում, որ Փավստոսի երկում հիշատակված աշանները Մովսես Կաղանկատվացու կողմից ճիշտ ձևով ընկալվել են աղվաններ, սակայն արվել է սխալ եզրակացություն:

Սանատրուկին և Սանեսանին միևնույն անձը համարելով, Կ. Տրևերը զարմանք է հայտնում, թե ինչպես Արշակունյաց տոհմի համար սովորական Սանատրուկ անունը Փավստոսի մոտ դարձել է Սանեսան: Ընդունելով հանդերձ, որ գրչական հիմքի վրա «Սանեսանից» չէր կարող առաջանալ «Սանատրուկ» և հակառակը, հեղինակը փորձում է այդ հանգամանքը բացատրել այն գրավոր կամ բանավոր աղբյուրով, որից օգտվել է Փավստոս Բուզանդը: Իրեն թե աշանական կամ մազրության սկզբնաղբյուրում Սանատրուկի անունը տրված է եղել այլ տառադարձություն<sup>21</sup>: Կ. Տրևերը սխալվում է նաև, երբ փորձում է ուշ շրջանի հեղինակների տեղեկություններն ընկալել քարացած ձևով: Այսպես, Կիրակոս Գանձակեցու «Բայց Սանատրուկ, որ կողմանցն Աղուանից վերակացու կարգեալ էր ի Տրդատայ, իրեն լուալ զմահ նորա, սպանանէ զսուրբն Գրիգորիս, զորդին Վրթանիսի, զեղբայր Յուսկանն՝ կապեալ զնա դագույ ամենի ձիոյ ի դաշտին Վատնեան, և ինքն երթայ առ Շապուհ՝ արքայ պարսից, և ընդունի զձև քազաուրուքեան, հատուածէ զաշխարհն ի խոսրովայն»<sup>22</sup> տեղեկությունը հասկանում է ուղղակի և զտնում, որ Սանատրուկը նշանակվել էր Աղվանքի վերակացու: Իրականում Կիրակոս Գանձակեցին նույնպես օգտվել է պատմահոր երկից և, ելնելով իր ժամանակվա աշխարհագրական պատկերացումներից, երբ Կուրի և Երասխի միջագետքը զիտվում էր որպես հայկական Աղվանք, ուշ շրջանի հասկացությունները տեղափոխել է հին գարեբը:

Այս հարցերը մեկնաբանելիս սխալներ է թույլ տվել նաև Ե. Պախոմովը: Նա ոչ միայն ընդունում է Սանատրուկի և Սանեսանի նույնացումը, այլև եզրակացնում, որ Մովսես խորհնացին ցույց է տալիս սասանյանների կողմից Կուրի և Երասխի միջագետքը յուրացվելու ժամանակը, Փայտակարանի բնակչության ոչ հայկական՝ աղվանից լինելը և աղվանից ու պարսից կողմնորոշում ունենալը<sup>23</sup>: Ինչպես վերը տեսանք, պատմահոր տեղեկությունները նման եզրակացությունների հնարավորություն չեն տալիս:

Ճիշտ է, Սանեսանը նույնպես Արշակունի էր<sup>24</sup>, ինչպես և Սանատրուկը. և շատ «գայթակղիչ է» այդ անունների տակ միևնույն անձնավորությունը տեսնելը, սակայն սկզբնաղբյուրների մանրազնին քննությունը բացառում է

21 К. В. Тревер, Очерки по истории и культуре кавказской Албании, М.—Л., 1959, с. 197.

22 Կիրակոս Գանձակեցի. Պատմություն Հայոց, աշխատասիրությունք Կ. Ա. Մելիք-Օհանջանյանի, Երևան, 1961, էջ 16—17: Գրիգորիսի սպանությունը Սանատրուկին վերագրելը Կիրակոս Գանձակեցու «ստեղծագործությունն է, որը ոչ միայն հակասում է պատմահոր և Փավստոս Բուզանդի տեղեկություններին, այլև բացառվում է թեկուզ այն տեսակետից, որ Սանեսանն ու Սանատրուկը տարբեր անձնավորություններ են:

23 Е. А. Пахомов, Пайтакаран-Байлакан—Орен-кала («Материалы в исследовании по археологии СССР», № 67, М.—Л., 1959, с. 17).

24 Տակիտոսի վկայությամբ, Հյուսիսային Կովկասի սկյութական թագավորը Արշակունի էր (Корнелий Тацит, Анналы, II, 68, Л., 1970): Այլաթևների ներքո թերևս պետք է տեսնել մագրութներին, որոնց թագավորներից էր IV դ. Սանեսանը:

ամբողջութեամբ նման հնարավորութիւնը: Փայտակարան քաղաքի ցանկացած տեղադրութեան դեպքում Սանատրուկի օրապակաս «թագավորութեան» տարածքը պետք է տարածվեր Կուր գետից հարավ, իսկ Սանեսանի թագավորութեան հարավային սահմանը, ինչպես ցույց է տալիս Փափստոս Բուզանդի տեղեկութիւնը, Կուր գետն էր: Սանեսանը ընդունեց Գրիգորիս եպիսկոպոսին որպէս թագավոր, իսկ պատմահոր վկայութիւնից պարզ երևում է, որ Սանատրուկը իրեն «թագավոր» հռչակեց լոկ Գրիգորիսի մահից հետո: Հարկ է նշել նաև, որ պատմահայրը և Մովսէս Կաղանկատվացին, ըստ երևույթին, գիտեն Սանեսանի մասին (առաջինը հստակորեն, իսկ երկրորդը՝ անգիտակցաբար), որը գործողութիւններէ ժամանակ հանդես է գալիս հանձին նիզակավորների զորագլուխ հսկայի, որին սպանեց քաջ Վահան Ամատունին: Կարելի է այլ փաստարկներ էլ բերել Սանատրուկի և Սանեսանի տարրեր անձնավորութիւններ լինելու օգտին, սակայն կարծում ենք, որ բերվածներն էլ բավական են:

Մնում է պարզաբանել ևս երկու հարց: Նախ՝ Փայտակարանը, այնուամենայնիվ, ազատագրվե՞ց բռնավոր Սանատրուկի իշխանութիւնից և պարսական ապստամբ զորամասերից, թէ ստեղծված քաղաքական կացութիւնը պահպանվեց: Մեր կարծիքով, եթէ որոշ կասկածներ կարող են ծագել Փայտակարանի՝ Անտիոքոսի հայ-հռոմեական բանակների կողմից ազատագրվելու վերաբերյալ, ապա, շնայած սկզբնաղբյուրները լուծում են, մագրութիւններին Յլու գլուխ վայրում, Վաղարշապատում և Օշականի առապարում ջախջախելուց հետո հայկական բանակների համար ոչ մի ղեկավարութիւն չէր ներկայացնելու Փայտակարանի ազատագրումը: Համենայն դեպս, դրա օգտին է խոսում Փայտակարանի՝ Մեծ Հայքի տարածքում գտնվելը Արշակ Բ-ի օրոք:

Սեզ հետաքրքրող մյուս հարցը Սանեսանի գործերի արշավանքի տարեթիվն ինդիրն է: 3. Մարքվարթը<sup>25</sup> և 2. Մանանդյանը<sup>26</sup> արշավանքը թվագրում են 335-ով: 3. Մարքվարթի կարծիքով Վաչե Մամիկոնյան զորավարը, որը ջախջախել էր Սանեսանին, գնացել էր Հռոմեական կայսրութիւն օգնութիւն խնդրելու և հյուսիսականների ջախջախումն էլ կատարվել էր հռոմեական զորքի օգնութեամբ<sup>27</sup>: Ելնելով պատմահոր և Փափստոս Բուզանդի տեղեկութիւններից, այդ տեսակետը պետք է մերժել: Նախ՝ ո՛չ Փափստոս Բուզանդը, և ո՛չ էլ բարեխղճորեն ամենայն մանրամասնութիւն հաղորդող պատմահայրը չեն վկայում հռոմեական օժանդակութեան մասին, իսկ արշավանքն էլ, որպէս պատասխան Անտիոքոսի հայ-հռոմեական բանակների պատժիչ գործողութիւնների ընդդեմ Փայտակարանում հաստատված Սանատրուկի և թերևս նաև Սանեսանի, պետք է կատարված լինելու խոսքով Կոդակի գահակալութեան սկզբներին: Հայ ժողովրդի պատմութեան IV դ. ժամանակագրութիւնն ուսումնասիրողների կողմից դեռևս վերջնականորեն ճշտված չէ, ուստի մեր ամեն մի ենթադրութիւն, վերջին հաշիվով, խարսխվելու է ավաղի

<sup>25</sup> J. Markwart, Die Entstehung der armenischen Bistümer, Rom, 1922, S. 77—78.

<sup>26</sup> 2. Մանանդյան, Քննական տեսութիւն հայ ժողովրդի պատմութեան, հ. Բ, մասն Ա, Երևան, 1957, էջ 145—147:

<sup>27</sup> J. Markwart, նշվ. աշխ., էջ 77.

վրա: Այնուամենայնիվ, եթե ընդունենք, որ Տրդատի մահը տեղի է ունեցել 330 թ., ինչպես ընդունում է Հ. Մանանդյանը, ապա արշավանքը տեղի է ունեցել 331 կամ 332 թ.:

## ПОХОД МАЗКУТСКОГО ЦАРЯ САНЕСАНА НА АРМЕНИЮ

БАБКЕН АРУТЮНЯН

### Резюме

В арменоведческой литературе в последнее время установилась традиция, отождествляющая мазкутского царя Санесана, предпринявшего в 30-х гг. IV в. поход на царство Великой Армении, с Санатруком Аршакуни, назначенным армянским царем Тиридатов III Аршакуни наместником города Пайтакарана. Однако детальный анализ первоисточников явствует, что их объединяла лишь принадлежность к роду Аршакуни. Данные армянских авторов показывают, что в 30-х гг. IV в. Албания входила в состав царства мазкутских Аршакидов, простиравшегося до реки Куры, а албаны, называемые Фавстосом Бузандом аланами, приняли деятельное участие в походе царя Санесана. Изучение сведений Мовсеса Хоренаци и Фавстоса Бузанда показывает, что наименование области Парск<sup>4</sup> Великой Армении в «Истории Армении» Фавстоса Бузанда является не искажением наименования Каспк, а констатацией факта существования в IV в. племени *Քազազոր*, впервые упомянутого в труде преческого географа Страбона.